

4.

Na osnovu člana 7. stav (1) člana 13. stav (2) alineja 5. i člana 35. stav (3) Zakona o principima lokalne samouprave FBiH ("Službene novine FBiH", broj 49/06 i 51/09), člana 21. stav (1) tačka 7. Statuta Grada Gradačac ("Službeni glasnik Grada Gradačac", broj 10/22), člana 6. Odluke o upravljanju i načinu raspolaganja dobrima u općoj upotrebi ("Službeni glasnik Grada Gradačac", broj 1/2016) i člana 6. stav (6.3), alineje 6.3.1 i člana 13. stav (13.1), alineje 13.1.2 Ugovora o javnim vodnim uslugama od 30.03.2018. godine zaključenog između Grada Gradačac i JP „Komunalac“ d.d. Gradačac, i izmjenama Ugovora o javnim vodnim uslugama od 24.04.2023. godine te Zahtjeva i Plana kapitalnih ulaganja JP Komunalac d.d. br. 02/1-750-2/25 od 28.05.2025. godine, na prijedlog Gradonačelnika, Gradsko vijeće Grada Gradačac, na 12. redovnoj sjednici održanoj 30.12.2025. godine, donosi

ODLUKU
o davanju saglasnosti
JP „Komunalac“ d.d. Gradačac
na investiciono ulaganje (CAPEX)
u vodovodnu i kanalizacionu mrežu
za period 2022-2024

1. Daje se saglasnost na ulaganja JP Komunalac d.d. Gradačac u vodovodnu i kanalizacionu mrežu u vlasništvu Grada Gradačac u ukupnom iznosu od 94.029,13 KM (devedesetčetiri hiljadedvadesetdevet i 13/100 KM) sa PDV-om, za period 01.01.2022 – 31.12.2024. godina u skladu sa CAPEX Planom ulaganja u vodovodnu mrežu br. 02/1-750-2/25 od 28.05.2025. godine.

2. Kontrolu provođenja odobrenog investicionog ulaganja je komisijiski izvršila Gradska služba za finansije, investicije i javne nabavke te je Zapisnik o ulaganju u imovinu Grada Gradačac (CAPEX 2022-2024) sastavni dio ove odluke.

3. Sredstva iz člana 1. ove Odluke su planirana u Budžetu Grada Gradačac na ekonomskom kodu 2-08 615411 Kapitalni transferi javnim preduzećima.

4. Uplata će se izvršiti na transakcijski račun JP "Komunalac" d.d. Gradačac - Račun rezerve za servisiranje duga broj: 161-000-00126505-57 kod Raiffesen Banke.

5. Ova odluka stupa na snagu osmog dana od dana objavljivanja u "Službenom glasniku Grada Gradačac".

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD GRADAČAC
- Gradsko vijeće -

Broj: 01-04-512/25

Datum: 30.12.2025.god.

G r a d a č a c

PREDSJEDAVAJUĆI
GRADSKOG VIJEĆA
Nedžad Šečić,s.r.

5.

Na osnovu člana 13. stav (2) alineja 3. a u vezi sa članom 8. stav (3) alineja 5. Zakona o principima lokalne samouprave u FBiH ("Službeni novine FBiH", broj 49/06 i 51/09), i člana 21. tačka 5. Statuta Grada Gradačac ("Službeni glasnik Grada Gradačac", br. 10/22), na prijedlog Gradonačelnika Grada Gradačac, Gradsko vijeće Grada Gradačac na 12. redovnoj sjednici održanoj 30.12.2025. godine, donosi

ODLUKU
o izmjenama i dopunama Odluke o provođenju
Prostornog plana općine Gradačac
za period 2008 - 2028. godine

Član 1.

U Odluci o provođenju Prostornog plana općine Gradačac za period 2008 - 2028. godine ("Sl. glasnik općine Gradačac", br. 3/17, 8/18 i 6/24), u članu 66a. mijenja se stav 3. tako da glasi:

„Shodno propisanim uslovima iz prethodnog stava, telekomunikacione instalacije u urbanom području Gradačca (definisano granicama urbanističkog plana), moraju se izvoditi kao podzemne, osim kada je investitor Grad Gradačac, koji može izvoditi nadzemno vođenje telekomunikacionih instalacija na postojeće i nužno nove stubove i to u svrhu implementacije projekta video nadzora grada, razvoja komunalnih infrastruktura, kao i u sličnim slučajevima koji su od značaja za Grad Gradačac.“

Stav 4. se briše, a dosadašnji stavovi 5. i 6. postaju stavovi 4. i 5.

Iza stava 5. dodaju se novi stavovi 6., 7. i 8. koji glase:

“Izvan urbanog područja Gradačca, u svrhu